



ACTA 0518

Expedient num.	Organ collegiat
JV/2018/5	Junta Vesiau

DONADES DE CELEBRACION DERA SESSION

Tipe de convocatòria	Extraordinària
Data	29 de noveme de 2018
Durada	Des des 20:55 enquias 21:20 ores
Lòc	Sala actes Ajuntament
Presidida per	LEOPOLDO BONILLO GRANADOS
Secretaria	PILAR HERVADA VIDAL

ASSISTÈNCIA ARA SESSION

Nòm e Cognòms	Assistís
ALBERTO NART GALLART	NON
FERMIN MONGE BONET	SÍ
IVAN TENLLADO TROGUET	SÍ
JOSÉ MANUEL ARRÓ CÓNSUL	SÍ
LEOPOLDO BONILLO GRANADOS	SÍ
LUIS DOMINGO VICENT	NON

Tanben assistís eth Tecnic de Comptabilitat Ivan Tenllado Troguet.

Un còp verificada pera Secretaria era constitucion valida der organ, eth President daurís era session, procedint ara deliberacion sus es ahèrs includidi ena orde deth dia:

A) Part resolutiva

1. Aprobacion der acta dera session anterior
2. Expedient 37/2018. Aprobacion iníciau pressupòst exercici 2019
3. Expedient 10/2018. Alteracion de Bens – Desafectacion edifici Escòla d'Aubèrt
4. Expedient 29/2018. Sollicitar nauta servici iARXIU deth Consorci AOC



5. Expedient 29/2018. Baisha deth servici e-TAULER deth Consorci AOC
6. Expedient 38/2018. Aprobacion dera relacion des profitaments forestaus entath 2019

B) Activitat de contròtle

7. Balhar compde des Decrèts de Presidència.

A) PART RESOLUTIVA

1. Aprobacion der acta dera session anterior

Favorable

Tipe de votacion:

Unanimitat/Assentiment

Se da per liejuda er acta dera session deth dia 17 de seteme de 2018, eth brolhon dera quau siguec liurat a toti es membres dera Junta e trapant-la conforme s'apròve per unanimitat des presenti.

2. Expedient 37/2018. Aprobacion inciau pressupòst exercici 2019

Favorable

Tipe de votacion:

Unanimitat/Assentiment

ANTECEDENTS

Eth President a elaborat eth pressupòst entar exercici 2019.

En data 23 de noveme era Interventora a emetut es informes tanhents as equilibris basics deth pressupòst e ath compliment des objectius qu'establís era LOEPSF.

En data 23 de noveme era secretaria emetec informe sus eth procediment a seguir entara aprobacion deth pressupòst.

Eth pressupòst conten era documentacion e es annèxi previsti en Reiau Decrèt Legislatiu 2/2004, de 5 de març, peth que s'apròve eth Tèxte rehonut dera Lei reguladora des Isèndes Locaus.

FONDAMENTS DE DRET

Ena tramitacion des pressupòsti s'an seguit es requisits exigidi pera legislacion en vigor e es organs competenti an prepausat prealblament es pressupòsti des organismes e empreses qu'integren, conforme as sóns estatuts o ath document fondacionau.

Era tramitacion e aprobacion deth pressupòst s'a de hèr de conformitat damb es articles 162 a 171 deth Reiau decrèt legislatiu 2/2004, de 5 de març, peth quau s'apròve eth Tèxte rehonut dera Lei reguladora des Isèndes locaus; es articles 2 a 23



deth RD 500/90 e es articles 11 e següents dera Lei Organica 2/2012, de 27 d'abriu, d'Estabilitat pressupostària e sostenibilitat financèra.

Es presentis per unanimitat acòrden:

1. Aprovar iniciaument eth pressupòst generau entara exercici de 2019 d'acòrd damb er objectiu d'estabilitat pressupostària, era règla dera despena e er objectiu deth deute public; eth quau, resumit per capítols, ei eth següent:

AJUNTAMENT	PRESSUPÒST D'INGRÈSSI	AJUNTAMENT	PRESSUPÒST DE DESPENES
Capítol 1	0,00	Capítol 1	0,00
Capítol 2	0,00	Capítol 2	26.873,14
Capítol 3	1,00	Capítol 3	50,00
Capítol 4	23.237,14	Capítol 4	0,00
Capítol 5	3.685,00	Capítol 5	0,00
Capítol 6	0,00	Capítol 6	0,00
Capítol 7	0,00	Capítol 7	0,00
Capítol 8	0,00	Capítol 8	0,00
Capítol 9	0,00	Capítol 9	0,00
TOTAU	26.923,14	TOTAU	26.923,14

2. Auent en compde era documentacion que s'acompanhe, aprovar eth tet de despena non financèra dera entitat, per impòrt de 26.923,14€, d'acòrd damb eth següent detalh:

A. CALCUL DETH TET DE DESPENA DETH PRESSUPÒST

Calcul a partir des donades dera prevision dera despena deth nau pressupòst

Calcul deth tet de despena non financèra deth pressupòst	Despena non financèra
Capítol 1	0,00
Capítol 2	26.873,14
Capítol 3 - interèssi deth deute	50,00
Capítol 4	0,00
Capítol 5	0,00
Capítol 6	0,00
Capítol 7	0,00
Despena non financèra	26.923,14
Règla despena liquidacion 2017	26.993,91
Règla despena pressupòst 2018	26.993,91
marge compliment règla de despena	0,00
marge compliment estabilitat	0,00
impòrt maxim que pòt aumentar eth tet dera despena, tostemp que i age finançament	0,00



TET DE DESPENA DETH PRESSUPÒST

26.923,14

3. Expansar eth pressupòst ath public mejançant era insercion der anonci en Bulletin Oficiau de la Província e en taulèr d'anoncis dera corporacion pendent eth termini de quinze dies àbils, pendent eth quau es interessadi poderàn presentar-i reclamacions.

4. Era aprobacion iniciau deth pressupòst generau se considerarà definitiva se non se produssissen reclamacions en contra pendent eth termini d'exposicion publica, e entrarà en vigor en exercici ath quau se referís, quan s'age complert çò que dispausen er article 112.3 dera Lei 7/85 de 2 d'abriu, reguladora des bases de regim locau, e er article 169 deth Reiau decret legislatiu 2/2004, de 5 de març, peth quau s'apròve eth Tèxte rehonut dera Lei reguladora des isèndes locals.

3. Expedient 10/2018. Alteracion de Bens – Desafectacion bastissa Escòla d'Aubèrt

Favorable

Tipe de votacion:

Unanimitat/Assentiment

ANTECEDENTS DE HÈT

PRUMÈR. Aquesta Entitat ei proprietària dera bastissa a on se place era Escòla Eth Roser d'Aubèrt inscrita en Registre dera Proprietat coma Finca numerò 2199, en Tòm 781, en Fòli 148 deth Libre 31 de Betlan, Aubèrt, Mont e Montcorbau, e que figurea inscrita en Inventari de Bens dera EMD d'Aubèrt e Betlan.

DUSAU. Damb data 15 de març de 2018, s'emetec informe de Secretaria tanhent damb eth procediment e era Legislacion aplicable entà pòrta a tèrme era desafectacion der edifici escolar referenciat, de tau manèra que deishe d'èster qualificat coma ben de domeni public passar a èster ben patrimoniàu.

TRESAU. Damb data 22 de març de 2018, s'emetec informe pes Servicis Tecnicos sus era situacion fisica e juridica deth ben e era oportunitat o besonh dera destinacion deth ben immòble.

QUATAU. Damb data 21 de hereuèr de 2018 eth Registre dera Proprietat de Vielha emetec Nòta Informativa de Domeni e Càrgues d'aguesta finca.

CINCAU. Era Secretària-Interventora dera Entitat en data 15 de març de 2018 emetec certificat d'inscripcion deth ben en Inventari de Bens dera Entitat Municipal Descentralizada d'Aubèrt e Betlan.

SIESAU. Damb data 3 d'agost de 2018, registre d'entrada num. 36, se recebec autorizacion entara desafectacion deth Departament d'Ensenhament dera Generalitat de Catalunya.

SETAU. Damb data 17 de seteme de 2018, s'aprovèc iniciaument pera Junta Vesiau



dera EMD d'Aubèrt e Betlan era desafectacion dera bastissa escolar referenciat.

UEITAU. Damb data 1 d'octobre de 2018, se publicuèc en Bulletin Oficiu dera Provincia de Lleida numerò 190 e en taulèr d'anoncis dera Entitat, inici d'expedient pr'amor que se presentèssen es allegacions que s'estimèssen oportunes, e damb data 2 de noveme de 2018, s'emetec certificat de secretaria en que còste que non i a agut allegacions.

LEGISLACION APLICABLA

Era legislacion aplicabla ei era següenta:

- Es articles 204 e 205 deth Decrèt Legislatiu 2/2003, de 28 d'abriu, peth quau s'apròve eth Tèxte Rehonut dera Lei Municipau e de Regim Locau de Catalunya.
- Es articles 5, 20 e següenti deth Decrèt 336/1988, de 17 d'octobre, peth quau s'apròve eth Reglament de Patrimòni des Ens Locaus.
- Es articles 3 e 8 deth Decrèt 212/1994, de 26 de junhsèga, peth quau se Regule eth Procediment d'Autorizacion Prealabla ara Desafectacion de Bastisses Publiques Escolares.
- Es articles 22.2.l), 47.2.n) e 81 dera Lei 7/1985, de 2 d'abriu, Reguladora des Bases de Regim Locau.

Auent en compde es antecedents, se considèrè qu'er expedient a seguit era tramitacion establida ena legislacion aplicabla en tot procedir era sua aprobacion definitiva per majoria absoluta deth nombre legau de persones membres dera Junta Vesiau, en vertut des articles 204.5 deth Decrèt Legislatiu 2/2003, de 28 d'abriu, peth que s'apròve eth Tèxte Rehonut dera Lei Municipau e de Regim Locau de Catalunya e 20.2 deth Decrèt 336/1988, de 17 d'octobre, peth que s'apròve eth Reglament de Patrimòni des Entitats Locaus.

Es presents per unanimitat ACÒRDEN:

PRUMÈR. Aprovar definitivament era desafectacion deth ben: bastissa a on se place era Escòla Eth Rosèr d'Aubèrt inscrita en Registre dera Proprietat coma Finca num. 2199, en Tòm 781, en Fòli 148 deth Libre 31 de Betlan, Aubèrt, Mont e Montcorbau, e que figure inscrita en Inventari de Bens dera EMD d'Aubèrt e Betlan, que passe d'èster un ben de domeni public a ben patrimoniau.

DUSAU. Realizar er acte de recepcion formau deth ben immòble qu'a estat desafectat, de conformitat damb er article 8.3 deth Reglament de Bens des Entitats Locaus.

TRESAU. Anotar en Inventari de Bens dera Entitat era alteracion dera qualificacion juridica qu'a sofrit et ben, e trasladar ath Registre dera Proprietat entà que procedisque a deishar constància d'aguest cambi mejançant es corresponenents assentaments o anotacions registraus.



4. Expedient 29/2018. Sollicitar nauta servici iARXIU deth Consorci AOC

Favorable

Tipe de votacion:

Unanimitat/Assentiment

Auent en compde qu'eth eth Consorci Administració Oberta de Catalunya (AOC) met a disposicion des entitats locals eth servici iARXIU e qu'aguesta Entitat ei interessada en utilizar aquest servici, e pera quau causa ei de besonh sollicitar era adesion.

Es presents per unanimitat acòrden:

PRUMÈR. Sollicitar ath Consorci Administració Oberta de Catalunya (AOC) era nauta en servici iARXIU.

DUSAU. Acceptar es condicions generaus e especificques que regulen era prestacion deth servici per part deth Consorci AOC.

TRESAU. Abilitar ath Consorci AOC coma encargat des donades de caractèr personau as quaus poguen auer accès enes tèrmes expausats ena sollicitud d'adesion.

QUATAU. Facultar ath President entara signatura de toti es documents que siguen de besonh entara execucion des anteriors acòrds.

5. Expedient 29/2018. Baisha deth servici e-TAULER deth Consorci AOC

Favorable

Tipe de votacion:

Unanimitat/Assentiment

Era Junta Vesiau en session deth dia 4 de mai de 2017 prenec er acòrd entà sollicitar ath Consorci Administració Oberta de Catalunya (AOC) era nauta en Servici de taulèr electronic d'anoncis e edictes e-TAULER.

Auent en compde qu'aguesta Entitat ja non ei interessada en utilizar aquest servici, pr'amor que dispause de taulèr electronic d'anoncis e edictes ena sua Sedença Electronica.

Es presents per unanimitat acòrden:

PRUMÈR. Sollicitar ath Consorci AOC era baisha deth servici de taulèr electronic d'anoncis e edictes e-TAULER.

DUSAU. Facultar ath President entara signatura de toti es documents que siguen de besonh entara execucion der anterior acòrd.

6. Expedient 38/2018. Aprobacion dera relacion des profitaments forestaus entath 2019



Favorable

Tip de votacion:

Unanimitat/Assentiment

Sollicitar ath Departament de Territòri deth Conselh Generau d'Aran es profitaments de hustes, lenhes, peisheus, jançana, brionhs e d'auti, que se volguen executar pendent er an 2019, damb era finauetat de realizar eth Programa Annuau de Profitaments Forestaus.

Es presents per unanimitat acòrden:

PRUMÈR. Sollicitar es següents profitaments:

1. Profitament de lenha de caractèr vesinau

Monte d'Utilitat Publica numerò: 267

Denominacion: Bosquet de Casa Còsta (Mont)

Volum: 100 estereos.

2. Profitament de peisheus de caractèr vesinau

Monte d'Utilitat Publica numerò: 265 e 267

Denominacion: Casa Sasplaga e Cròdos (Montcorbau) e Bosquet de Casa Còsta (Mont)

Superficie de peisheus: 1.620ha

Carga autorizada: 179 caps d'oelham, 21 caps de cabrum e 93 de cabalham.

3. Profitament de peisheus per licitacion

Monte d'Utilitat Publica numerò: 265

Denominacion: Casa Sasplaga e Cròdos (Montcorbau)

Superficie de peisheus: 743ha

Carga autorizada: 493 caps d'oelham e 100 de bestiar major

Prètz de taxacion: 6.000,00€.

4. Profitament de peisheus per licitacion

Monte d'Utilitat Publica numerò: 267

Denominacion: Bosquet de Casa Còsta (Mont)

Superficie de peisheus: 877ha

Carga autorizada: 1.053 caps d'oelham e 100 de vacum

Prètz de taxacion: 3.700,00€.

5. Profitament de peisheus per licitacion

Monte d'Utilitat Publica numerò: 270

Denominacion: Coret de Ròi e Saspòdos (Aubèrt)

Superficie de peisheus: 450ha

Carga autorizada: 2.000 caps d'oelham

Prètz de taxacion: 3.000,00€.

DUSAU. Notificar aguesta resolucion ath Departament de Territòri deth Conselh Generau d'Aran.



B) ACTIVITAT DE CONTRÒTLE

7. Balhar compde des Decrèts de Presidència

Peth President se da compde as Vocaus, que se de dan per assabentadi, des resolucions que seguissen:

- Decrèt num. 2018-0020 - convocatòria dera Junta Vesiau
- Decrèt num. 2018-0021 - modificacion decrèt
- Decrèt num. 2018-0022 - aprovar relacion de factures num. 3/2018
- Decrèt num. 2018-0023 - ordenar eth pagament dera relacion de factures num. 4/2018
- Decrèt num. 2018-0024 - sométer eth pressupòst generau a informe d'Intervencion.

DOCUMENT SIGNAT ELECTRÒNICAMENT